

მემორანდუმი №2-2012/07

კომპანია სს “საქართველოს ბანკსა” და ა(ა)იპ “შოთა მესხიას სახელობის ზუგდიდის სახელმწიფო სასწავლო უნივერსიტეტს” შორის თანამშრომლობის შესახებ

1. მემორანდუმის ხელმოწერი მხარეები

ერთი მხრივ, სს “საქართველოს ბანკი” შემდგომში – “ბანკი”, წარმოდგენილი მისი გენერალური დირექტორის მოადგილის მიხეილ გომართელის სახით და მეორე მხრივ, ა(ა)იპ “შოთა მესხიას სახელობის ზუგდიდის სახელმწიფო სასწავლო უნივერსიტეტი”, შემდგომში – “სასწავლო უნივერსიტეტი”, წარმოდგენილი მისი რექტორის თეონა ხუფენიას სახით, ასევე შემდგომში ერთად წოდებული “მხარეებად”.

2. მემორანდუმის მიზანი

წინამდებარე მემორანდუმი განსაზღვრავს თანამშრომლობის პრინციპებს ბანკსა და სასწავლო უნივერსიტეტს შორის, ერთი მხრივ, სასწავლო უნივერსიტეტის სტუდენტებისთვის პროფესიული უნარების განვითარების ხელშეწყობის და შემდგომი შესაძლო დასაქმების და მეორეს მხრივ, ბანკისათვის მომავალი საკადრო რეზერვის შექმნის მიზნით.

3. თანამშრომლობის ზოგადი ასპექტები

ბანკსა და სასწავლო უნივერსიტეტს შორის თანამშრომლობა მოიცავს შემდეგ ზოგად ასპექტებს:

- ა) სასწავლო უნივერსიტეტის სტუდენტების სტაჟირების პროგრამა, რომელიც თან ახლავს წინამდებარე მემორანდუმს დანართი №1-ის სახით (შემდგომში დანართი №1) და წარმოადგენს მის განუყოფელ ნაწილს.
- ბ) სტაჟირების პროგრამის გარდა, ბანკი ითანამშრომლებს სასწავლო უნივერსიტეტთან ბანკში წარმოქმნილი ვაკანსიის საკონკურსო პროცედურის ფარგლებში.
- გ) “ბ” პუნქტში მითითებული თანამშრომლობა მოიცავს ბანკის მიერ გამოცხადებული ვაკანსიის შევსების მიზნით, სასწავლო უნივერსიტეტის სტუდენტების ან/და კურსდამთავრებულების შესახებ სასწავლო უნივერსიტეტისგან რეკომენდაციის ან/და აკადემიური მოსწრების შესახებ ინფორმაციის მიღებას.
- დ) პროგრამა არ მოიცავს სტუდენტის დასაქმებას – სტუდენტის შემდგომი შესაძლო დასაქმება დამოკიდებული იქნება მხოლოდ მის უნარებზე და შედეგებზე, რომელსაც ის გამოაქვს შესაბამისი ვაკანსიისთვის შესარჩევ საკონკურსო პროცესში, სხვა ყველა კანდიდატთან თანაბარ პირობებში.

4. ხელმოწერ მხარეთა ვალდებულებები

4.1. ბანკი:

4.1.1 მემორანდუმის დანართი №1-ის პირობების შესაბამისად, უზრუნველყოფს სტუდენტს სტაჟირების პროგრამით და ხელმძღვანელით.

4.2. სასწავლო უნივერსიტეტი:

4.2.1 უზრუნველყოფს ბანკის ორგანიზაციულ მხარდაჭერას დანართი №1-ით გათვალისწინებული პირობების შესაბამისად

4.2.2. ბანკის მხრიდან საჭიროების შემთხვევაში, უზრუნველყოფს მას სტუდენტების ან/და კურსდამთავრებულების შესახებ რეკომენდაციით და აკადემიური მოსწრების შესახებ ინფორმაციის მიწოდებით

4.2.3 უზრუნველყოფს, რომ 4.2.2-ით გათვალისწინებული პირობების შესასრულებლად (ინფორმაციის მიწოდებასთან დაკავშირებით), მოპოვებული აქვს სტუდენტისაგან ყველა საჭირო თანხმობა.

5. მემორანდუმის ხანგრძლივობა და პირობები

5.1 მემორანდუმი ძალაში შედის მხარეთა მიერ მისი ხელმოწერის დღიდან. მისი მოქმედების ვადა განისაზღვრება 2 წლით და ავტომატურად გაგრძელდება ამავე ვადით, თუ რომელიმე მხარე ამის წინააღმდეგი არ იქნება, რაც მინიმუმ ერთი კვირით ადრე წერილობითი ფორმით უნდა შეატყობინოს მეორე მხარეს,

5.2. მხარეები უფლებამოსილნი არიან, საკუთარი შეხედულებისამებრ, ნებისმიერ დროს შეწყვიტონ მემორანდუმის მოქმედება, რომლის შესახებაც, მხარემ, შეწყვეტამდე მინიმუმ ერთი კვირით ადრე, წერილობითი ფორმით უნდა შეატყობინოს მეორე მხარეს.

5.3 მემორანდუმში ცვლილებების შეტანა შესაძლებელია ნებისმიერ დროს. მხარეთა ურთიერთშეთანხმებით. ცვლილება უნდა გაფორმდეს წერილობითი სახით

6. სხვა პირობები


წინამდებარე მემორანდუმი შედგენილია ქართულ ენაზე, მემორანდუმის თანაბარი იურიდიული ძალის მქონე თითო იდენტური ეგზემპლარი გადაეცემა მხარეებს.

7. ხელმოწერები

სს საქართველოს ბანკი

ქ. თბილისი, გაგარინის ქ. №29ა

მიხეილ გომართელი



გენერალური დირექტორის
მოადგილე

თბილისი, 2012 წლის 30 ივლისი

ა(ა)იპ შოთა მესხიას სახელობის ზუგდიდის

სახელმწიფო სასწავლო უნივერსიტეტი

ქ. ზუგდიდი, ჯანაშიას ქ. №14

თეონა ხუფიაშვილი

რექტორი



მემორანდუმი №2-2012/07-ს დანართი №1

სტაჟირების პროგრამა და სტაჟირების სტანდარტები
ა(ა)იპ შოთა მესხიას სახელობის ზუგდიდის სასწავლო უნივერსიტეტის სტუდენტებისთვის

სტაჟირების პროგრამა (ზოგადი პრინციპები):

პროგრამა ხორციელდება ყოველწლიურად, სასწავლო უნივერსიტეტის მიერ წარმოდგენილი სტუდენტებისთვის, რომლებიც არიან IV კურსზე, აქვთ მაღალი აკადემიური მოსწრება და დადებითი რეკომენდაცია უნივერსიტეტიდან.

წარმოდგენილი სტუდენტების ინდივიდუალური სტაჟირება დაიგეგმება იანვარ-აპრილის პერიოდში, ბანკის შეხედულებებისამებრ, და წარიმართება საქართველოს ბანკის სერვის ცენტრში 1 კვირის განმავლობაში.

სტაჟირებაზე ყოველწლიურად წარმოდგენილი სტუდენტების საერთო რიცხვი არ აღემატება 20-ს

სტაჟირების პროგრამა (თეორიული კურსი):

1. სერვის ცენტრის ზოგადი მიმოხილვა;
2. ანგარიშების ტიპები და ანგარიშთა პაკეტების მიმოხილვა;
3. პლასტიკური ბარათი, პლასტიკური ბარათების მიმოხილვა;
4. საკრედიტო ბარათი, საკრედიტო ბარათების მიმოხილვა;
5. დისტანციური საბანკო მომსახურება, დისტანციური საბანკო პროდუქტების მიმოხილვა. ანაბარი, ანაბრების მიმოხილვა;
6. ფულადი გზავნილი; ფულადი გზავნილების მიმოხილვა;
7. ვალუტის გაცვლითი ოპერაციები;
8. სხვა მომსახურება: "ფეი ბოქსი"; სადეპოზიტო სეიფები; კომუნალური, საკომუნიკაციო და სხვა ტიპის გადასახადები; სამგზავრო და საბანკო ჩეკები;
9. შეჯამება.

სტაჟირების სტანდარტები:

- ბანკი გამოყოფს სტაჟირების ხელმძღვანელს, რომელიც უზრუნველყოფს სტაჟირების მიერ ათვისებული ცოდნის შესაბამისი პრაქტიკული უნარების სწავლებას და სტაჟირების შედეგების შეფასებას.
- ამ დანართით გათვალისწინებული სტაჟირების პროგრამის (თეორიული კურსის) №1-7 თემებისთვის ბანკი უზრუნველყოფს სტაჟირის შესაბამისი თეორიული მასალებით კორპორატიული ბროშურების სახით, ხოლო №8 და №9 თემების შესწავლა წარიმართება ზოგადი მიმოხილვის სახით.
- სტაჟირება არ ითვალისწინებს მუშაობას/წვდომას ბანკის პროგრამულ უზრუნველყოფასთან ამასთან, დაუშვებელია სტაჟირების პროცესში სტაჟირთან ისეთი ინფორმაციის განხილვა,

რაც ნებისმიერი სახით (პირდაპირ თუ ირიბად) ასახავს ბანკის კლიენტ(ებ)ის ფინანსურ ინფორმაციას.

- სტაჟიორი ვაღდებულია, დაიცვას კორპორატიულ სახელმძღვანელოში განსაზღვრული ნორმები და წესები, და სტაჟირების განრიგი.
- სტაჟირების ინდივიდუალური განრიგი მოიცავს 1 კვირას კალენდარული წლის იანვარ-აპრილის პერიოდში და წარიმართება საქართველოს ბანკის სერვის ცენტრში, ქ. ზუგდიდში.
- სტაჟიორის მიერ სტაჟირებისათვის გამოყოფილი ვადის გაცდენის შემთხვევაში დამატებითი დროის გამოყოფა არ განხორციელდება

სს საქართველოს ბანკი

ქ. თბილისი, გაგარინის ქ. №29ა

გენერალური დირექტორის მოადგილე

მიხეილ გომართელი

ხელმოწერა



ა(ა)იპ შოთა მესხიას სახელობის ზუგდიდის
სახელმწიფო სასწავლო უნივერსიტეტი

ქ. ზუგდიდი, ჯანაშიას ქ. №14

რექტორი

თეონა ხუფენია

ხელმოწერა

